




Republika e Kosovës  
Republika Kosovo - Republic of Kosovo  
*Qeveria - Vlada - Government*

Ministria e Bujqësisë, Pylltarisë dhe Zhvillimit Rural  
Ministarstvo Poljoprivrede, Šumarstva i Ruralnog Razvoja  
Ministry of Agriculture, Forestry and Rural Development  
*Agjencia për Zhvillimin e Bujqësisë/Agencija za Razvoj Poloprivrede/ Agriculture Development Agency*



## THIRRJE PËR APLIKIM PËR FERMERËT DHE EKONOMITË BUJQËSORE TË REPUBLIKËS SË KOSOVËS

PËR PËRFITIM NË KUADËR TË IMPLEMENTIMIT TË “PLANIT PËR BUJQËSI DHE ZHVILLIM RURAL 2014-2020” MBËSHTETJE PËR INVESTIME MASA-“SKEMA NACIONALE E GRANTEVE PËR UJITJEN E TOKAVE BUJQËSORE”

### Qëllimi i thirrjes për aplikim

Qëllimi i thirrjes për aplikim është dhënia e mbështetjes financiare/granteve për investime në ferma në kuadër të Masës 302 -“SKEMA NACIONALE E GRANTEVE PËR UJITJEN E TOKAVE BUJQËSORE” për vitin 2017.

### 1. Aplikuesit e mundshëm

Fermerët, sipas definicionit nga Ligji Nr. 04/L-090 për ndryshimin dhe plotësimin e Ligjit nr. 03/L-098 për Bujqësinë dhe Zhvillimin Rural

- Shoqatat e përdoruesve të ujit.
- Kooperativat Bujqësore sipas Ligjit për Kooperativat Bujqësore.

### 2. Shtrirja gjeografike e masës

Kjo masë aplikohet në tërë territorin e Republikës së Kosovës.

### 3. Kriteret e përbashkëta të pranueshmërisë

- Pëlqimi nga kompania publike e ujitjes, në rast se aplikuesi në projektin e tij e parasheh shfrytëzimin e sistemit të ujitjes të kompanive publike.
- Dëshmia që fermerë përfitues nga Masa101 “Investimet në asetet fizike në ekonomitë bujqësore”, janë përfshirë në projekt, nëse ka të tillë;
- Projekte të pranueshme për financim me mjetet publike janë vetëm projektet që pas përfundimit të investimeve janë në funksion të qëllimit për të cilin është bërë investimi (janë në gjendje për të ujitur tokat bujqësore) dhe kjo duhet të dëshmohet me rastin e kontrollës së fundit në terren. Nëse projektet pas përfundimit të investimit nuk janë funksionale, përfituesi

obligohet ta kthejë shumën e financuar të përkrahjes publike të marrë si paradhënie . Të gjithë përfituesit e projekteve të zhvillimit rural obligohen t'i mirëmbajnë investimet e tyre sipas projektit të miratuar gjatë pesë vjetëve pas realizimit të projektit, aq sa zgjat periudha monitoruese. Nëse nuk i mirëmban investimet, përfituesi obligohet ta kthejë shumën e financuar të përkrahjes publike;

- Përfituesit nuk mund t'i jepet një projekt i ri nëse projektet e mëparshme nuk janë përfunduar në përputhje me kontratën e nënshkruar me AZHB.
- Në rast të projektit të ndërtimit apo rindërtimit, aplikanti duhet të paraqes edhe:
- Projektin teknik me paramasë dhe paralogari të investimeve

**Në rast të përzgjedhjes së projektit, para nënshkrimit të kontratës, përfituesi duhet të dorëzojë:**

- Lejen për ndërtim nga organi kompetent i Komunës
- Projektin e detajuar, me paramasë dhe paralogari;
- Vlerësimin e ndikimit në mjedis, nëse parashihet me ligj;

#### **4. Kriteret e veçanta të pranueshmërisë**

- Projekti teknik i dorëzuar duhet të demonstrojë zvogëlimin e humbjeve të ujit në minimum 30%, në rastet e modernizimit të sistemeve ekzistuese të ujitjes.
- Përfituesi duhet të kontraktojë kompani ndërtimi me përvojë të mëhershme në ndërtimet e sistemeve të ujitjes që kërkohen në projekt dhe e cila do të garantojë për punët e ndërtimit për së paku 3 vjet pas finalizimit të punës. Kompania e kontraktuar duhet të dëshmojë afarizmin pozitiv për tre vitet e fundit dhe respektimin e Udhëzimit Administrativ për masat dhe kriteret e përkrahjes në bujqësi dhe zhvillim rural 2017, si dhe legjislacionit të prokurimit publik në fuqi.
- Përfituesi duhet të dorëzojë deklaratë me shkrim përmes së cilës garanton se do të participojë me 20% të shumës totale të miratuar për realizimin e projektit.
- Sipërfaqja minimale e projektit nën ujitje duhet të jetë 20 ha.
- Aplikuesit duhet të dëshmojnë të drejtat pronësore të tokës së tyre dhe të gjitha tokave të fermerëve tjerë ku do të bëhet investimi i propozuar. Kjo nuk kërkohet vetëm në rastet kur pronari i tokës dhe aplikuesi janë në marrëdhënie bashkëshortore apo në vijë të drejtë të gjakut pa kufij (p.sh. stërgjyshërit, gjyshërit, prindërit, fëmijët, nipërit, etj.) dhe kjo dëshmohet përmes certifikatës së martesës, certifikatës së lindjes, apo certifikatës së vdekjes. Po ashtu, aplikuesi duhet të plotësojë deklaratën nën betim, me të cilën dëshmon se toka me të cilën aplikon është në trashëgimi të tij.

#### **5. Investimet e pranueshme**

- Shpenzimet e pranueshme janë të kufizuara në ato që janë listuar në Listën e Investimeve të pranueshme për Masën Ujitja e Tokave Bujqësore, e paraqitur si Shtojcë Nr. 6 e Udhëzuesit për Aplikues.
- Shpenzimet për përgatitjen e planit të biznesit apo projekt-propozimit nuk mund ta tejkalojnë vlerën prej 3% të shpenzimeve të pranueshme. Në rast të investimeve që parashohin skica, dizajn të hollësishëm inxhinierik, vlerësim të ndikimit në mjedis, shpenzimet për arkitekt dhe inxhinier, leje dhe licenca të ndryshme janë të pranueshme deri në vlerën 7% të shpenzimeve të pranueshme.

## 6. Shkalla e përkrahjes publike

- Vlera minimale e shpenzimeve të pranueshme për projekt brenda kësaj mase është 20,000 €, kurse vlera maksimale e shpenzimeve të pranueshme për projekt është 200,000 €;
- Përkrahja publike është 80% e shpenzimeve të pranueshme të investimit.
- Në rast se vlera e shpenzimeve të pranueshme është më e madhe se 100,000 €, pagesa bëhet në dy këste. Pjesa e parë e përkrahjes publike në vlerë prej 50% bëhet në formë të paradhënies pas nënshkrimit të kontratës me përfituesin, ndërsa pjesa tjetër e mbetur prej 50%, paguhet pas verifikimit të përfundimit të investimit të përgjithshëm.
- Ndhurma maksimale publike për periudhën e zbatimit të programit për Bujqësi dhe Zhvillim Rural 2014-20 për masën Ujitjes së tokave Bujqësore është 600,000 € për përfitues.
- Aplikuesi mund të aplikoj me disa projekte gjatë periudhës së zbatimit të programit, me kusht që projektet e më hershme të jenë përfunduar me sukses dhe ndihma publike nuk tejkalon shumën e caktuar më lartë.

## 7. Dokumentet e bashkëngjitura

Për të aplikuar në masën e ujitjes, dokumentet e nevojshme mund t'i gjeni në udhëzuesit për aplikues, në uebfaqen e AZHB-së (azhb-ks.net) dhe në zyrat rajonale përkatëse.

## 8. Koha dhe mënyra e pranimit të aplikacioneve

Data e fillimit të dorëzimit të formularit për aplikim është dita pasi të jetë publikuar thirrja për aplikim.

**Thirrja për aplikim do të jetë e hapur nga data 06.02.2017 -20.03.2017**

**PS: Aplikacioni duhet të përmbajë të gjitha dokumentet e kërkuara dhe të dorëzohet në afatin për aplikim. Dosja e aplikacionit dorëzohet në dy kopje fizike dhe të gjitha dokumentet e dosjes fizike skanohen dhe ruhen në një CD e cila dorëzohet bashkë me kopjet fizike. Këshillohen aplikuesit që një kopje të dosjes ta ruajnë për nevoja të veta.**

**Këshillohen aplikuesit që të aplikojnë së paku 5 ditë para përfundimit të afatit për aplikim që të kenë mundësi të kompletojnë dokumentacionin e tyre në raste të mungesës së ndonjë dokumenti.**

Formulari për aplikim dhe dokumentet e bashkëngjitura duhet të dorëzohen në Zyrën Rajonale të Agjencisë për Zhvillimin e Bujqësisë në: Prishtinë, Mitrovicë, Pejë, Gjakovë, Prizren, Ferizaj dhe Gjiilan nga ora 08:30-16:00 çdo ditë pune,

## 9. Kontaktet dhe pikat (vendet) informuese lidhur me aplikimin

**MBPZHR /AZHB MBPZHR /AZHB**

**Adresa: (Ndertesa e ishë Bankes së Lublanës) Prishtinë**

Nga e hëna deri të premten: nga ora 10:00 – 12:00 dhe nga ora 13:00-15:00 tel 038/211-967 ose 038/212-647

Nr.	Rajoni	Adresat	Telefoni	e-maili
1	Prishtinë	<b>Zona Industriale - Fushë Kosovë, përballë Maxi-Marketit</b>	038 601 169	
2	Mitrovicë	<b>"Mbretëresha Teutë" pa nr.</b>	028 522 501	
3	Pejë	<b>Instituti Bujqësor "Fidanishtja" Pejë</b>	039 431-276	
4	Gjakovë	<b>"Marin Barleti" nr. 2, kati III.</b>	0390 320-992	
5	Prizren	<b>"Avni Rrustemi" 159</b>	029 244-793	
6	Ferizaj	<b>"Dëshmorët e kombit" pa nr.</b>	0290 324 661	
7	Gjilan	<b>Rr. "Bulevardi i Pavarësisë" (Rr. e Ferizajt) (Soliteri, kati I)</b>	0280 326 106	

Për informata më të hollësishme vizitoni uebfaqen [www.mbpzhr-ks.net](http://www.mbpzhr-ks.net), uebfaqe [www.azhb-ks.net](http://www.azhb-ks.net) si dhe udhëzuesin për aplikues për masën e **ujtjes**.